

ЭРДЭНЭ РЕСУРС НЭГДҮГЭЭР УЛИРЛЫН САНХҮҮГИЙН БОЛОН ТӨСЛИЙН ҮЙЛ АЖИЛЛАГААНЫ ТАЙЛАНГ ТАНИЛЦУУЛЛАА

Хэвлэлийн Мэдээ

Нова Скошиа муж, Халифакс хот
2019.05.08

Эрдэнэ Ресурс Девелопмент Корпораци (TSX:ERD | MSE:ERDN) (цаашид “Эрдэнэ Ресурс” эсвэл “Компани” гэх) нь 2019 оны 3 сарын 31-нээр дуусгавар болсон 1-р улирлын санхүү, үйл ажиллагааны тайлан болон Хөндий Алтны Төслийн үйл явц, төлөвлөгөөг танилцуулахад таатай байна. Компанийн SEDAR (“System for electronic document analysis and retrieval”)–т бүртгэгдсэн 2019 оны 1-р улирлын Санхүүгийн тайлан, Үйл ажиллагааны тайлан (“MD&A” буюу “Удирдлагын хэлэлцүүлэг ба дүн шинжилгээ”) ба Жилийн эцсийн мэдээллийн эмхэтгэл (“AIF”) нь энэхүү хэвлэлийн мэдээний салшгүй нэг хэсэг болно.

Компанийн Эшлэл:

Эрдэнэ Ресурсийн ерөнхийлөгч, гүйцэтгэх захирал Петер Акерли хэлэхдээ: “Бид өндөр агуулга бүхий ил уурхай болох Хөндий Алтны Төслийн хөгжүүлэлтийн үйл ажиллагааг үргэлжлүүлсээр байна. Энэ оны нэгдүгээр улиралд Хөндий Алтны Төслийн Урьдчилсан ТЭЗҮ (“PFS”)–г боловсруулах компаниар Tetra-Tech, Inc.,-ийг сонгон, Байгаль орчин, нийгмийн нөлөөллийн судалгааг Sustainability East Asia LLC компаниар гүйцэтгүүлэхээр шалгаруулж, хамтран ажиллах гэрээг байгуулсан. Ашиглалтын тусгай зөвшөөрлийн өргөдлийн хүрээнд Монгол улсын Эрдэс Баялгийн Мэргэжлийн Зөвлөлийн хурлаар Баян Хөндийн нөөцийг бүртгүүлэх зөвшөөрлийг авсан нь ашиглалтын тусгай зөвшөөрөл авахад чухал алхам боллоо.”

“Компани нь Урьдчилсан ТЭЗҮ-д тусгагдах мэдээллийг баталгаажуулах, Баян Хөндий ордыг тэлэх болон өндөр агуулгатай хүдрийн бүсийг шалгахад чиглэсэн 1,800 метрийн өрөмдлөгийн хөтөлбөрийг 4-р сард эхлүүлсэн. Өрмийн дээжийг лабораторийн шинжилгээнд хүргүүлсэн бөгөөд 5-р сарын дундуур үр дүнг танилцуулна.”

2019 оны 1-р улирлын онцлох үйл явдлууд:

Үйл ажиллагааны онцлох мэдээлэл

- > Хөндий Алтны Төслийн Урьдчилсан ТЭЗҮ-г NI 43-101 стандартын дагуу боловсруулж эхэлсэн:
 - > ТЭЗҮ-г Tetra-Tech Inc., олон улсын инженерчлэлийн байгууллага боловсруулж эхэлсэн.
 - > Metallургийн судалгааг Blue Coast Research гүйцэтгэнэ.
 - > Урьдчилсан ТЭЗҮ ба Монгол улсын төрийн захиргааны байгууллагад танилцуулах Байгаль орчин, нийгмийн нөлөөллийн судалгааг Sustainability East Asia LLC хийж гүйцэтгэнэ.
- > Баян Хөндийн нөөцийг бүртгүүлж, Монгол улсын Эрдэс Баялгийн Мэргэжлийн Зөвлөлийн зөвшөөрлийг авсан:
 - > Баян Хөндийн ашиглалтын тусгай зөвшөөрлийг 6-р сарын сүүлээр авахаар төлөвлөн, ажиллаж байна.

- > Алтан Нарын ашиглалтын тусгай зөвшөөрлийн өргөдлийн бэлтгэл ажлыг эхлүүлнэ.
- > Урьдчилсан ТЭЗҮ-д тусгах мэдээллийг баталгаажуулах зорилгоор 2019 оны 4-р сард Баян Хөндийд 1,800 метрийн өрөмдлөгийн хөтөлбөрийг хийж гүйцэтгэсэн:
 - > Ил уурхайн хязгаарыг тэлэх, хамгийн өндөр агуулгатай хүдрийн биетүүдийн үргэлжлэл болон нөөцийг нэмэгдүүлэхэд чиглэсэн.
 - > Өрмийн дээжийг лабораторийн шинжилгээ хийлгэхээр хүргүүлсэн бөгөөд үр дүнг 5-р сарын дундуур танилцуулна.

Санхүүгийн онцлох мэдээлэл

- > Хөндий Алтны Төслийн Урьдчилсан ТЭЗҮ боловсруулах, ашиглалтын тусгай зөвшөөрлийн өргөдөл, Сэндстормоос борлуулалтын цэвэр ашгийн төлбөрийг (“роялти”) худалдан авах болон эргэлтийн хөрөнгөд зориулан энэ оны 2-р сард \$2.53 сая канад долларын хөрөнгө оруулалт татан төвлөрүүлсэн:
 - > Компани одоогоор \$1.1 сая канад долларын эргэлтийн хөрөнгөтэй байгаа нь 2019 оны 2-р улирал дуустал үйл ажиллагааг санхүүжүүлэх боломжтой.
- > 2019 оны 4 сарын 12-нд Сэндсторм Гоулд-аас Хөндий Алтны Төслийн борлуулалтын цэвэр ашгийн төлбөр (“БЦАТ” эсхүл “роялти”)-ийн 50%-ийг буцаан худалдан авсан:
 - > Хөндий Алтны Төслийн Анхан Шатны Эдийн Засгийн Тооцооллын (“АШЭЗТ”) үр дүнд үндэслэхэд БЦАТ-ийн бодит үнэ цэн нь \$1.2 сая канад доллараар буцаан худалдан авсан үнээс давна хэмээн үзэж байна.
- > 2019 оны 3 сарын 31-нд дуусгавар болсон 3 сарын хугацаанд Компанийн нийт алдагдал \$516,687 канад доллар байсан нь өнгөрсөн оны мөн үеийн \$701,663 канад долларын алдагдалтай харьцуулахад буурсан үзүүлэлт юм.
 - > Капиталжуулсан зардлыг оролцуулсан хайгуулын зардал нь 2019 онд \$941,083 канад доллар байсан бөгөөд 2018 оны \$717,906 канад долларын зардалтай харьцуулахад өссөн үзүүлэлт юм. Энэ нь Хөндий Алтны Төслийн АШЭЗТ-ыг боловсруулахад төвлөрөн ажилласнаас шалтгаалсан өсөлт байв.
 - > 2019 оны эхний улиралд Компанийн захиргаа, удирдлагын зардал (мөнгөн бус, хувьцаанд суурилсан нөхөн төлбөр болон элэгдлийг оролцуулахгүй) нь \$296,330 канад доллар байсан нь өнгөрсөн оны мөн үеийн \$378,955 канад доллартай харьцуулахад буурсан үзүүлэлт юм. 2018 онд МХБ-д давхар бүртгүүлсэнтэй холбоотойгоор мэргэжлийн үйл ажиллагааны зардал, маркетингийн зардлууд өссөн дүнтэй гарсан.

Хөндий Алтны Төслийн тухай

Эрдэнэ Ресурсийн ордууд нь дэлхийн томоохон алт, алт-зэсийн ордуудыг агуулагч Төв Азийн Орогены бүсэд багтдаг Эдрэнгийн террейнд байрладаг. Эрдэнэ Ресурс нь Монгол улсын баруун өмнөд хэсэгт 10 гаруй жил хайгуул судалгааг хийн, өдгөө Хөндий алтны дүүргийг нээн илрүүлээд байна. Хөндий алтны дүүрэг нь өндөр агуулга бүхий алт, полиметаллын хэд хэдэн хэтийн төлөвт талбайг хамардгаас хоорондоо 16 км зайд орших Баян Хөндий, Алтан Нар ордуудыг ашиглалтын шатанд хүртэл хөгжүүлэхээр зорьж байна. Эдгээр ордуудыг хамтад нь Хөндий Алтны Төсөл (“Төсөл”) хэмээн нэрлэдэг.

Компани нь 2018 оны 3-р улиралд Төслийн анхан шатны нөөцийн тооцооллыг тайлагнасан бөгөөд энэхүү тайланд 0.7 г/т захын агуулгаар тооцсон 2.3 г/т алтны дундаж агуулга бүхий 751,000 унц алтны бодит нөөц, 1.8 г/т алтны дундаж агуулга бүхий 291,000 унц алтны боломжит нөөц тогтоогдсон. 2018 оны 12 сард NI 43-101 эрдсийн төслийн тайлагналын стандартын (“NI 43-101”) дагуу Анхан шатны эдийн засгийн тооцооллыг гүйцэтгэсэн. Энэхүү тооцооллоор: Алтны үнийг \$1200/унц гэж төсөөлөхөд татварын дараах өнөөгийн үнэ цэн нь (5% хоргодуулалт бүхий) (“NPV5%”) 99 сая ам.доллар, дотоод өгөөжийн хувь (“IRR”) нь 56% байсан.

Мөн тооцооллоор 8 жилийн турш 3.42 г/т дундаж алтны агуулга бүхий хүдрээс жилд дунджаар 51,200 унц алт үйлдвэрлэх боломжтой уурхайг төлөвлөсөн. Төслийн тусгай зөвшөөрлийн талбайд буй нэмэлт нээлт болон тэлэлт хийх боломжтой талбайнууд нь төлөвлөсөн хөгжүүлэлтийн талбайг тэлэх суурь болох боломжтой.

Эрдэнэ Ресурс нь Хөндий Алтны Төслийн Урьдчилсан ТЭЗҮ ("PFS")-г 2019 оны 3-р сараас эхлэн NI 43-101 стандартын дагуу боловсруулж эхэлсэн. Tetra-Tech, Inc., нь энэхүү ТЭЗҮ-г боловсруулж, 2019 оны 3-р улиралд танилцуулахаар төлөвлөсөн бөгөөд Байгаль орчин, нийгмийн нөлөөллийн судалгааг Sustainability East Asia LLC, металлургийн судалгааг Blue Coast Laboratories хийж гүйцэтгэж байна.

Компанийн тухай

Эрдэнэ Ресурс Девелопмент Корпораци нь Монгол улсад суурь болон үнэт металлын хайгуул, төсөл хөгжүүлэлтийн үйл ажиллагаа эрхэлдэг Канад улсад бүртгэлтэй хайгуулын компани юм. Компани нь Монгол улсын баруун урд бүсэд хайгуул хийх эрх бүхий 4 хайгуулын, 1 ашиглалтын тусгай зөвшөөрлийг эзэмшдэг бөгөөд эдгээр хайгуулын бүсэд хийсэн судалгааны үр дүнд Хөндий Алтны Дүүргийг нээн илрүүлсэн. Эрдэнэ Ресурс Девелопмент Корпораци нь Торонто болон Монголын хөрөнгийн биржүүд дээр бүртгэлтэй. Компанийн тухай дэлгэрэнгүй мэдээллийг Компанийн вебсайт www.erdene.com-оос авч танилцах боломжтой. Компанийн тухай тодорхой мэдээллүүд нь зөвхөн Компанийн вебсайтаар дамжин хүрэх магадлалтай тул хөрөнгө оруулагчид вебсайтаар дамжуулан бодит мэдээллийг авахыг зөвлөж байна.

Урьдчилсан таамаглал

Зарим мэдээллүүд нь Үнэт цаасны хуулийн хүрээнд урьдчилсан таамаглалуудыг агуулсан болохыг үүгээр мэдэгдэж байна. Урьдчилсан таамаглал нь урьд болж байсан болон ирээдүйд болох бодит баримт биш ба зөвхөн ирээдүйн төлөвлөгөө, стратеги, төсөл, нөхцөл байдалд тулгуурласан үзэл баримтлал, магадлал болон таамаглал болно. Энэхүү таамаглалууд нь тодорхой үндэслэлд тулгуурласан боловч баталгаа биш юм. Компанийн үйл ажиллагаа нь олон хүчин зүйлээс шалтгаалах бөгөөд зарим хүчин зүйлс нь Компанийн хяналтаас давсан байх магадлалтай ирээдүйд учирч болох хүчин зүйлс юм. Материаллаг өөрчлөлт үзүүлэх боломжтой хүчин зүйлсэд эрдсийн зах зээлийн үнэ, хайгуулын үр дүнгүүд, бизнесийн болон зах зээлийн орчин, эдийн засгийн байдал болон санхүүжилт, хөрөнгө босголт зэрэг орно. Дээр дурдсан мэдээллүүд нь ирээдүйд өөрчлөгдөн хувирах магадлалтай. Компани нь Үнэт цаасны хуульд өөрөөр заагаагүй тохиолдолд Урьдчилсан таамаглалыг өөрчлөн, шинэчлэх үүрэг хүлээхгүй.

ЭНЭХҮҮ МЭДЭЭЛЛИЙГ ОЛОН НИЙТЭД ТАНИЛЦУУЛАХАД ЯМАРВАА НЭГЭН ЗАСАГ ЗАХИРГААНЫ БАЙГУУЛЛАГА ЗӨВШӨӨРСӨН, ҮЛ ЗӨВШӨӨРСӨН МЭДЭГДЭЛ ХИЙГЭЭГҮЙ.

Холбоо барих:

Петер К. Акерли, Ерөнхийлөгч болон Гүйцэтгэх захирал
Роберт Женкинс, Санхүү хариуцсан захирал

Утас: (902) 423-6419
Twitter: <https://twitter.com/ErdeneRes>
Facebook: <https://www.facebook.com/ErdeneResource>
LinkedIn: <https://www.linkedin.com/company/erdene-resource-development-corp/>
YouTube: <https://www.youtube.com/channel/UCILs5s9j3SLmya9vo2-KXoA>